

من غيرروح

حبة ورود اتجمعت
 على قلب أبيض
 بس مفهوش روح
 حالف يعافر في الحياة
 حتي لو كان الطريق
 كله ألم
 كله عذاب و جروح
 ماشي في دروب ضيقة
 عمالة تاخذ منه
 كل حاجة و تروح
 ماشي ونبضه بيخنقه
 كاتم همومه
 فاقد الأمل في البوح
 حبة ورود خلقت أميرة
 العطر منها يفوح
 لبست حذائها
 و جرت في البراح

مش عارفة فين
و لا منين هتروح
و لما حبت تعشق دنيته
قسيت عليها
و ملت طريقها جروح
صرخت بصوتها
لكن مين بيسمع
ده أصله صوت
مبحوح
قطعت حباله
من البكا
من الألم و النوح
حبة ورود دبلت
في بستان
مات فيه
الضمير و الروح
زي عصفور
يجبروه

لازم يغرد
وهو من الأساس
مدبوح
كل الي طلبه يعيش
وسطكم
بالعادي و المسموح
مأخذش منكم
غير هموم
و جروح
و حبة نوح
حبة ورود
اتجمعت
عملت أميرة
بس من غير
روح